

Canllawiau ar Gasgliadau Gwastraff ac Ailgylchu Domestig

1. Cyflwyniad

- I. Mae'r ddogfen hon yn nodi manylion gwasanaeth casglu gwastraff ac ailgylchu domestig sy'n cael ei ddarparu gan Gyngor Dinas Casnewydd (CDC). Noder y gallai trefniadau eraill fod ar waith i'r rhai sy'n byw mewn fflat neu dŷ amlfeddiannaeth. Er mwyn cael rhagor o wybodaeth am hyn cysylltwch â'r Tîm Gwastraff drwy e-bostio info@newport.gov.uk.
- II. Mae'n ddyletswydd statudol ar CDC i drefnu casglu a chael gwared ar wastraff domestig yn unol â Deddf Diogelu'r Amgylchedd 1990.
- III. Mae CDC yn gweithredu polisi o wastraff gweddilliol cyfyngedig fel y cymeradwywyd gan Aelodau Cabinet ym mis Rhagfyr 2018, a bydd yn dod i rym ym mis Ebrill 2019.

2. Casglu gwastraff na ellir ei ailgylchu

- I. Rhoddir bin olwynion 120 litr i bob aelwyd at ddibenion storio a chasglu gwastraff na ellir ei ailgylchu. Caiff gwastraff ei gasglu bob pythefnos.
- II. Rhaid cyflwyno'r gwastraff i'w gael ei gasglu yn y bin olwynion a ddarparwyd erbyn 7am ar y diwrnod casglu penodedig. Gallai'r gwastraff gael ei gasglu ar unrhyw adeg ar ôl 7am ar y diwrnod a drefnwyd. Ni chaniateir i'r deunyddiau canlynol gael eu rhoi mewn biniau/sachau gweddilliol:
 - Papur
 - Cardbord
 - Poteli plastig a hambyrddau plastig
 - Poteli a jariau gwydr
 - Caniau, tuniau ac erosolau
 - Gwastraff bwyd
 - Gwastraff gardd
 - Eitemau trydanol
 - Dillad
- III. Gall aelwydydd â 6 phreswilydd parhaol wneud cais am finiau mwy o faint. Bydd CDC yn gwirio pob cais a rhoddir bin mwy o faint i'r aelwydydd sy'n bodloni'r meini prawf hyn;
 - 180 litr – 6 neu 7 preswilydd
 - 240 litr – 8 preswilydd neu fwy

Gweler adran 11 am wybodaeth am y broses o wneud cais am fin mwy o faint.
- IV. Rhoddir sachau i nifer fach o eiddo nad oes lle ganddynt i gadw biniau olwynion. Gellir rhoi hyd at 2 sach allan i'w casglu bob pythefnos.

Cyngor Dinas Casnewydd

3. Casglu Nwyddau Ailgylchadwy

- I. Rhoddir 2 focs ailgylchu 55 litr a sach aml dro 90 litr i bob eiddo er mwyn storio a chasglu deunyddiau ailgylchadwy fel a ganlyn. Caiff deunyddiau ailgylchadwy eu casglu bob wythnos.

Bocs glas

- Papur
- Eitemau trydanol bach (rhaid iddynt allu ffitio yn y bocs)
- Dillad
- Esgidiau

Bocs gwyrdd

- Cardbord (nifer arferol o gardbord domestig all ffitio yn y bocs. Gweler adran 7 am gardbord mwy o faint)
- Poteli gwydr
- Jariau gwydr

Sach goch

- Poteli plastig
- Hambyrddau plastig (heb ffilm)
- Caniau
- Tuniau
- Ffoil (dim pecynnau creision)
- Erosolau

- II. Rhaid cyflwyno'r nwyddau ailgylchadwy i'w cael eu casglu yn y cynhwysydd priodol erbyn 7am ar y diwrnod casglu penodedig. Gallent gael eu casglu ar unrhyw adeg ar ôl 7am ar y diwrnod penodedig.
- III. Ni chesglir deunyddiau ailgylchadwy sydd wedi'u halogi; ceir rhagor o fanylion ynglŷn â'r hyn y gellir ac na ellir ei gasglu ar wefan y Cyngor <http://www.newport.gov.uk/cy/Waste-Recycling/What-We-Collect/What-We-Collect.aspx>
- IV. Gall preswylwyr wneud cais am gynwysyddion ailgylchu newydd neu ychwanegol ar lein yn <http://www.newport.gov.uk/cy/Waste-Recycling/Order-new-bags-and-bins.aspx>

4. Casglu Gwastraff Bwyd

- I. Rhoddir cad i cegin 5 litr a sachau y gellir eu compostio i bob aelwyd at ddibenion storio gwastraff bwyd, a chadi 23 litr i gasglu'r gwastraff bwyd. Caiff gwastraff bwyd ei gasglu bob wythnos.
- II. Gellir rhoi'r eitemau canlynol yn y cad i bwyd:
 - Pob math o wastraff bwyd wedi'i goginio neu amrwd
 - Pillion, esgyrn, plisg wyau
 - Bagiau te a gwaddodion coffi

Cyngor Dinas Casnewydd

– Blodau

- III. Rhaid cyflwyno'r cadis gwastraff bwyd i'w gael eu casglu erbyn 7am ar y diwrnod casglu. Gallent gael eu casglu ar unrhyw adeg ar ôl 7am ar y diwrnod penodedig.
- IV. Gall preswylwyr wneud cais am gadis newydd neu ychwanegol ar-lein <http://www.newport.gov.uk/cy/Waste-Recycling/Order-new-bags-and-bins.aspx>

5. Casglu gwastraff gardd

- I. Rhoddir bin olwynion 240 litr i bob aelwyd at ddibenion storio a chasglu gwastraff gardd. Caiff ei gasglu bob pythefnos, ond ni fydd yn cael ei gasglu am dri mis dros y gaeaf. Mae'r cyfnodau penodol yn amrywio bob blwyddyn. Ewch i wefan y Cyngor i gael rhagor o wybodaeth <http://www.newport.gov.uk/cy/Waste-Recycling/What-We-Collect/Garden-Waste.aspx>
- II. Gellir rhoi'r eitemau canlynol yn y bin gwastraff gardd:
 - Toriadau gwair a dail
 - Toriadau clawdd, canghennau bach a brigau
 - Planhigion, blodau a chompost potiau
- III. Ni fydd biniau gwastraff gardd yn cael eu gwacau os ydynt:
 - yn cynnwys eitemau nad ydynt yn cael eu caniatáu (megis bagiau plastig, pridd, cerrig neu rwbel; gwastraff bwyd, chwyn niweidiol megis Llysiau'r Dial; gwastraff anifeiliaid; neu unrhyw eitem y cartref nad yw'n wastraff gardd)
 - yn rhy drwm i'w gwacau

Mewn amgylchiadau o'r fath, ni fydd biniau gwastraff gardd yn cael eu casglu a byddant yn cael eu 'tagio' i roi gwybod i'r cartref. Os yw bin gwastraff gardd wedi'i 'dagio' deirgwaith yn sgil halogi, bydd y bin gwastraff gardd yn cael ei dynnu a gwrthodir darparu gwasanaeth casglu gwastraff gardd i'r aelwyd.

- IV. Rhaid cyflwyno'r bin gwastraff gardd i'w gael ei gasglu erbyn 7am ar y diwrnod casglu. Gallai gael ei gasglu ar unrhyw adeg ar ôl 7am ar y diwrnod penodedig.
- V. Gellir gwneud cais am finiau gwastraff gardd ychwanegol ar-lein <http://www.newport.gov.uk/cy/Waste-Recycling/Order-new-bags-and-bins.aspx>

6. Gwastraff Hylendid

- I. Gall teuluoedd â phlant dan 3 oed sy'n byw yn yr un tŷ, a phreswylwyr â chyflyrau iechyd sy'n cynhyrchu gwastraff o ran padiau anymataliaeth neu wastraff tebyg, wneud cais am gasgliad ychwanegol o wastraff hylendid.
- II. Bydd CDC yn gwirio pob cais a rhoddir sachau melyn i'r aelwydydd sy'n bodloni'r meini prawf hyn.

Cyngor Dinas Casnewydd

- III. Gellir rhoi'r eitemau canlynol yn y sachau melyn:
 - Cewynnau
 - Sbwriel sy'n gysylltiedig â newid cewyn, megis peli cotwm, lleiniau gwlyb, sachau cewynnau
 - Padiu anymataliaeth

Ni chesglir eitemau gwastraff domestig eraill, gan gynnwys gwastraff clinigol, yn rhan o'r gwasanaeth hwn.
- IV. Am wastraff clinigol, cyngorir preswylwyr i gysylltu â llinell gymorth casglu'r GIG ar 01495 745656 i drefnu casgliadau ar wahân.
- V. Rhaid cyflwyno sachau melyn i'w cael eu casglu erbyn 7am ar yr un diwrnod â'r casgliadau gwastraff gweddilliol.
- VI. Os nad yw'r gwasanaeth casglu gwastraff hylendid yn cael ei ddefnyddio am 4 casgliad yn olynol, bydd CDC yn rhoi'r gorau i ddarparu'r gwasanaeth i'r cartref hwnnw. Os digwydd hyn, bydd rhaid i breswylwyr ailymgeisio am y gwasanaeth (gweler adran 11).
- VII. Atgoffir preswylwyr bod defnyddio cewynnau y gellir eu hailddefnyddio yn ddewis cost-effeithiol ac ecogyfeillgar ac anogir iddynt eu defnyddio. Ceir rhagor o wybodaeth yn <https://www.recycleforwales.org.uk/cy/lleihau/ymgyrch-cewynnau-go-iawn>

7. Casgliadau Arbennig / Eitemau Gwastraff Swmpus

- I. Gall aelwydydd drefnu casgliad o eitemau domestig mawr, megis dodrefn diangen, eitemau trydanol mawr, bocsys cardbord mawr ac ati, nad ydynt yn cael eu casglu fel arfer wrth ymyl y ffordd, a hynny am ddim.
- II. Gellir archebu casgliadau arbennig ar-lein yn <http://www.newport.gov.uk/cy/Waste-Recycling/Bulky-Item-Collection.aspx>
- III. Argymhellir bod eitemau sydd mewn cyflwr da ac y gellir eu hailddefnyddio yn cael eu rhoi i elusen. Gellir dod o hyd i ddulliau eraill a manylion cyswllt ar www.newport.gov.uk/cy/Waste-Recycling/Bulky-Item-Collection.aspx

8. Casgliadau â Chymorth

- I. Gallai preswylwyr na all symud eu biniau na'u cynwysyddion yn sgil eu hiechyd neu gyflyrau eraill fod yn gymwys i gael cymorth â'u casgliadau, sy'n golygu y gallai eu biniau gael eu casglu heb orfod eu gosod wrth ymyl y ffordd.
- II. Gellir gwneud cais am y gwasanaeth hwn ar-lein <http://www.newport.gov.uk/cy/Waste-Recycling/What-We-Collect/Assisted-Collections.aspx>

9. Casgliadau a fethwyd

Cyngor Dinas Casnewydd

- I. Dim ond biniau sy'n cael eu gosod yn y lleoliad priodol wrth ymyl y ffordd cyn 7am ar y diwrnod casglu fydd yn cael eu casglu; yr unig eithriad i hyn yw aelwydydd sydd â threfniadau a gymeradwywyd ymlaen llawn am gasgliadau â chymorth.
- II. Os yw unrhyw un o'r gwahanol finiau neu gynhwysyddion yn cael eu gosod cyn 7am ar y diwrnod casglu yn y lleoliad priodol, ond dydyn nhw ddim yn cael eu casglu, gall preswylwyr roi gwybod amdano ar-lein yn <http://www.newport.gov.uk/cy/Waste-Recycling/Missed-Collections.aspx> neu drwy'r Canolfan Gyswllt ar 01633 656 656 cyn gynted â phosibl. Bydd casgliadau'n digwydd tan 3pm bob dydd felly bydd adroddiadau am gasgliadau a fethwyd yn cael eu hystyried ar ôl yr amser hwnnw'n unig.
- III. Ni ymchwilir i adroddiadau am gasgliadau a fethwyd a wnaed yn fwy na 24 awr ar ôl 3pm ar y diwrnod casglu ac ni fydd y casgliadau'n digwydd tan y diwrnod casglu penodedig nesaf.
- IV. Defnyddir cofnodion casglu biniau a recordiad teledu cylch cyfyng o'r cerbydau casglu i ymchwilio i'r adroddiadau o gasgliadau a fethwyd. Os nad oedd y bin neu'r cynhwysydd wedi'i roi yn y lle priodol cyn 7am ar y diwrnod casglu, ni fydd unrhyw gamau gweithredu pellach yn cael eu cymryd ac ni fydd y bin yn cael ei gasglu. Os yw'n briodol, yna bydd y bin a fethwyd yn cael ei gasglu o fewn dau ddiwrnod gwaith ar ôl adrodd amdano.

10. Gorfodi capasiti gwastraff gweddilliol y cartref

Bydd gorfodi'r polisi hwn yn cael ei weinyddu fel a ganlyn:

- I. Ar gyfer gwastraff sy'n fwy na'r capasiti a ddyrennir:
 - A. Bydd y canlynol yn cael eu hystyried yn wastraff gormodol:
 - Unrhyw sachau sy'n cael eu rhoi ar ben neu ger y biniau (neu sy'n fwy na nifer y sachau a ganiateir, o ran casglu sachau)
 - Gwastraff sy'n fwy na'r hyn sy'n ffitio y tu fewn i'r biniau gyda'r caeadau ynghau
 - B. **Mynd yn groes i'r polisi am y tro cyntaf:** y tro cyntaf y bydd preswlydd yn mynd yn groes i'r polisi, bydd y gwastraff yn cael ei gasglu, ond bydd y bin yn cael ei 'dagio', gan rybuddio'r preswlydd nad oedd yn cydymffurfio â'r polisi a rhoi gwybod iddo am y camau nesaf.
 - C. **Mynd yn groes i'r polisi am yr eildro:** os bydd preswlydd yn mynd yn groes i'r polisi am yr eildro, yna **ni fydd y gwastraff gormodol yn cael ei gasglu**, bydd y bin yn cael ei 'dagio' a/neu anfonir llythyr at y preswlydd yn rhoi gwybodaeth iddo am yr achos o beidio â chydymffurfio ynghyd â'r camau nesaf. Gallai hyn arwain at ymweliad gan y tîm addysg a gorfodi hefyd i roi canllawiau a chyngor unigol i breswylwyr, a allai gynnwys cynnal archwiliadau biniau hefyd er mwyn deall pwy sy'n berchen ar y bin a rhoi cymorth i breswylwyr o ran pa ddeunyddiau y gellir eu rhoi mewn cynhwysyddion ailgylchu. Bydd preswylwyr yn gyfrifol am gael gwared ar y gwastraff na chafodd ei gasglu yn gywir.

Cyngor Dinas Casnewydd

- D. **Mynd yn groes i'r polisi am y trydydd tro: Ni fydd gwastraff gormodol yn cael ei gasglu**, gallai'r bin gael ei 'dagio' a chyflwynir hysbysiad adran 46 dan Ddeddf Diogelu'r Amgylchedd 1990. Gallai hyn arwain at ymweliad gan y tîm addysg a gorfodi hefyd i roi canllawiau a chyngor unigol i breswylwyr, fel yr uchod. Bydd preswylwyr yn gyfrifol am gael gwared ar y gwastraff na chafodd ei gasglu yn gywir.

Bydd Hysbysiadau Adran 46 yn pennu'r math o gynhwysyddion y bydd angen i breswylwyr eu defnyddio i roi eu gwastraff ynddynt a chyfarwyddiadau ar sut i wahanu'r gwahanol fathau o wastraff. Bydd Hysbysiadau Adran 46 yn ddilys am 12 mis, a bydd modd gorfodi achosion o fynd yn groes i'r amodau a roddir arnynt wrth weithredu Deddf Diogelu'r Amgylchedd 1990.

- E. **Mynd yn groes i'r polisi ar ôl hynny: Ni fydd gwastraff gormodol yn cael ei gasglu** a chyflwynir hysbysiad cosb benodedig hyd at £100. Er y rhagwelir y bydd hyn yn datrys yr achosion o fynd yn groes i'r polisi, gellir cyhoeddi hysbysiad cosb benodedig ar ôl hynny os nad yw'r ymddygiad yn newid, a gallai fod angen erlyniad os bydd yr achosion hyn yn parhau. Hyd yn oed ar y cam hwn, bydd swyddogion y tîm addysg a gorfodi yn rhoi cyngor a chanllawiau i breswylwyr os byddant gartref ar yr adeg y byddant yn cynnal yr ymweliadau.

Os nad yw'r preswilydd yn talu'r Hysbysiad Cosb Benodedig, bydd yn cael ei erlyn.

II. Am beidio â chydymffurfio â chasgliadau ailgylchu

- A. Os ceir hyd i nifer sylweddol o ddeunyddiau ailgylchadwy mewn biniau gweddilliol, neu os bydd preswylwyr yn gwrthod rhoi gwastraff ailgylchu neu wastraff bwyd ar gyfer casgliadau ar wahân, bydd y tîm addysg a gorfodi yn cysylltu i roi canllawiau a chyngor unigol i breswylwyr, a allai gynnwys cynnal archwiliadau ar finiau hefyd i roi cymorth i breswylwyr o ran pa ddeunyddiau y gellir eu rhoi mewn cynhwysyddion deunyddiau ailgylchadwy. Os na fydd y sefyllfa'n gwella, bydd y tîm gorfodi'n cyflwyno Hysbysiad Adran 46 fydd yn pennu'r math o gynhwysyddion y bydd angen i'r preswilydd eu defnyddio i roi eu gwastraff ynddynt a chyfarwyddiadau ar sut i wahanu'r gwahanol fathau o wastraff. Bydd yn ddilys am 12 mis.
- B. Bydd achosion o fynd yn groes i'r amodau a roddir arnynt gan Hysbysiadau Adran 46 yn cael eu dilyn gan Hysbysiadau Cosb Benodedig hyd at £100. Rhoddir Hysbysiadau Cosb Benodedig ar ôl hynny os nad yw'r ymddygiad yn newid.

11. Capasiti Ychwanegol

- I. Mae capasiti ychwanegol ar gael i aelwydydd â 6 phreswilydd parhaol neu fwy, fel y nodir yn adran 1, ac ar gyfer casglu gwastraff hylendid hefyd. Mae'r adran hon yn nodi'r broses o wneud cais.

Cyngor Dinas Casnewydd

- II. Er mwyn cael eu hystyried am gapasiti ychwanegol, rhaid i ddeiliaid y cartref wneud cais i Gyngor Dinas Casnewydd ar-lein:
<http://www.newport.gov.uk/cy/Waste-Recycling/What-We-Collect/Nappy-collection.aspx>
<http://www.newport.gov.uk/cy/Waste-Recycling/Order-new-bags-and-bins.aspx>
neu drwy'r Ganolfan Gyswllt ar 01633 656 656 am gapasiti ychwanegol, a gofynnir iddynt gyflwyno tystiolaeth ategol er mwyn bodloni'r meini prawf. Bydd cofnodion y Cyngor yn cael eu gwirio i gadarnhau nifer y preswylwyr yn yr eiddo a chydymffurfiaeth â'r meini prawf.
- III. Gallai aelod o'r Tîm Addysg a Gorfodi ymweld â phreswylwyr sy'n gwneud cais am gapasiti ychwanegol er mwyn sicrhau bod y gwastraff yn cael ei wahanu i'w ailgylchu'n briodol.
- IV. Nid yw gwneud cais am gapasiti ychwanegol yn caniatáu i breswylwyr gyflwyno gwastraff ychwanegol yn awtomatig. Rhaid i breswylwyr aros am gadarnhad o unrhyw benderfyniad, ac os caiff ei dderbyn, rhoddir gwybod iddynt am y dyddiad cychwyn.
- V. Bydd pob cais yn cael ei asesu'n unigol gan yr Adran Wastraff yn ôl y meini prawf cyn gwneud unrhyw benderfyniad. Bydd penderfyniadau i gymeradwyo neu wrthod y ceisiadau'n cael eu cyflwyno gan y Cyngor yn ysgrifenedig.
- VI. Cynhelir adolygiadau rheolaidd i sicrhau bod y rhai hynny sy'n cael bin mwy o faint ei angen o hyd ac yn bodloni'r meini prawf o hyd. Rhoddir y capasiti ychwanegol am gyfnod penodol a bennir gan y Cyngor a bydd angen ailymgeisio os, ar ddiwedd y cyfnod hwnnw, mae'r amodau sy'n gwneud y preswlydd yn gymwys yn dal yr un fath.
- VII. Bydd angen i'r preswlydd roi gwybod i Gyngor Dinas Casnewydd am unrhyw newidiadau mewn amgylchiadau a fydd yn golygu nad ydynt yn bodloni gofynion y Polisi hwn mwyach ac nad oes hawl ganddynt fwyach i gael bin mwy o faint.
- VIII. Gellir tynnu'r hawl am gapasiti ychwanegol ar benderfyniad y Cyngor.
- IX. Bydd y preswylwyr â'r hawl am gapasiti ychwanegol yn destun polisi Cyngor Dinas Casnewydd pe baent yn cyflwyno mwy o wastraff na'r hyn y cytunwyd arno ac a gymeradwywyd, neu os byddant yn mynd yn groes i unrhyw amod arall a nodir yn y ddogfen hon. Mae gan y Cyngor bŵer i gyflwyno rhybuddion ysgrifenedig a Hysbysiadau Cosb Benodedig dan Adran 46 Deddf Diogelu'r Amgylchedd i unrhyw breswlydd nad yw'n bodloni'r gofynion.

12. Apeliadau

I. Capasiti Ychwanegol/Cymorth Codi

- A. Bydd pob cais am gapasiti ychwanegol neu gymorth codi'n cael ei asesu'n unigol gan yr Adran Wastraff yn ôl y meini prawf cyn gwneud unrhyw benderfyniad. Bydd penderfyniadau i gymeradwyo neu wrthod y ceisiadau'n cael eu cyflwyno'n ysgrifenedig. Os bydd cais yn cael ei wrthod, bydd preswylwyr yn cael llythyr yn nodi'r

Cyngor Dinas Casnewydd

penderfyniad ac yn egluro'r rhesymau dros ei wrthod, gan roi gwybodaeth am yr hawl i apelio.

- B. Er mwyn gwneud apêl, rhaid i breswylwyr ysgrifennu llythyr yn amlinellu'r rhesymau pam nad ydynt yn cytuno â'r penderfyniad o fewn 30 diwrnod ar ôl cael y llythyr sy'n nodi'r penderfyniad. Bydd y cais yn cael ei asesu gan Dîm Cwynion y Cyngor a bydd preswylwyr yn cael ymateb yn ysgrifenedig, sy'n derfynol ac yn rhwymol ar bob parti.
- C. Mae newid mewn amgylchiadau sy'n golygu bod preswylwyr a gafodd eu cais eu gwrthod bellach yn bodloni'r meini prawf, yn gallu ailymgeisio am gapasiti ychwanegol.

II. Gorfodi

- A. Bydd y broses o apelio yn cael ei nodi mewn unrhyw hysbysiad statudol a roddir i'r preswylwyr.
- B. Rhaid clywed pob apêl Adran 46 mewn Llys yr Ynadon. Bydd unrhyw gostau sy'n digwydd yn sgil yr apêl yn cael eu codi ar y preswylwyr.
- C. Nid oes prosesau apêl ar waith ar gyfer troseddau Adran 33.

13. Cysylltiadau â Pholisïau a Blaenoriaethau'r Cyngor

Mae Deddf Llesiant Cenedlaethau'r Dyfodol (2015) yn nodi mewn deddfwriaeth sut y mae rhaid i'r Cyngor weithio tuag at wella llesiant amgylcheddol Cymru. Mae'r Ddeddf hon yn datgan y dylai'r Cyngor ystyried mesurau hirdymor ac ataliol wrth wneud penderfyniadau. Caiff y mater o ailgylchu a gwastraff ei gynnwys o fewn amcan llesiant 2 y Cyngor - Annog twf economaidd ac adfywio wrth ddiogelu'r amgylchedd, cam gweithredu 10 – Cynyddu ailgylchu domestig a dargyfeirio gwastraff o'r safleoedd tirlenwi.

14. Cydraddoldeb a Llesiant Cenedlaethau'r Dyfodol

Cynhaliwyd asesiad o'r Effaith ar Gydraddoldeb a Thegwch ar y cynigion sydd wedi'u cynnwys yn y Strategaeth Gwastraff newydd er mwyn cyflawni'r gofynion sy'n gysylltiedig â Deddf Cydraddoldeb 2010 a Deddf Llesiant Cenedlaethau'r Dyfodol 2015.

Wrth gyfyngu ar wastraff gweddilliol, mae'r asesiad yn dangos na fydd y newidiadau arfaethedig yn effeithio ar y rhan fwyaf o'r grwpiau a ddiogelir a bydd unrhyw effeithiau negyddol posibl yn cael eu gwrthbwyso gan y Cyngor wrth iddo barhau â'i bolisi o ganiatáu capasiti ychwanegol i breswylwyr sy'n bodloni gofynion penodol.

Gellir cael rhagor o wybodaeth yn:

<https://msmodgovdb01.corporate.newport.ie/ListDocuments.aspx?CId=152&MId=7449&Ver=4>

Mewn perthynas â'r Amcanion Llesiant, nod y weithgaredd hon yn rhan o'r strategaeth gwastraff yw dod o hyd i ddatrysiadau sy'n gweithio i Gasnewydd a sicrhau bod cynlluniau ar waith ar gyfer dull ataliol a rhagweithiol sy'n mynd i'r afael â'r achosion sylfaenol. Mae ailgylchu yn ymwneud ag ymddygiad yn bennaf felly nodwyd yr angen am gyfathrebu ac ymgysylltu'n gywir â phreswylwyr.

Cyngor Dinas Casnewydd

Bwriad y polisi hwn yw nodi'n glir sut y bydd gwasanaeth casglu gwastraff gweddilliol domestig yn cael ei ddarparu a'r hyn a ddisgwylir gan y preswylwyr, sydd, ynghyd â'r wybodaeth ychwanegol a roddwyd drwy ymgyrch gyfathrebu ehangach, a gweithgarwch y tîm newydd o swyddogion ymgysylltu a gorfodi, yn bwriadu nodi a mynd i'r afael â phroblemau o ran ymddygiad cyfranogi a pherfformiad.

Mawrth 2019